



Pripadnici SIPA-e uhapsili dvije osobe u Sarajevu

Spriječena isporuka eksploziva za Zagreb

Zaplijenjeno i 120 kilograma žive i više od 10 kilograma droge

U akciji **SIPA-e** kodnog naziva "Sunce" na području Sarajeva zaplijenjena je velika količina droge, žive i oružja, među kojima i deset kilograma eksploziva. Uhapšene su dvije osobe u akciji kojom je razbijena kriminalna grupa koja je od 2014. godine na području Sarajeva i šire skladištila drogu i oružje koji su krijumčareni u zemlje Evropske unije.

Puške i pištolji

Šef **SIPA-inog** Odsjeka za borbu protiv organiziranog kriminala Vahidin Šahinpašić jučer je istaknuo da su pripadnici **SIPA-e** uspjeli "skinuti"



Oružje i droga zaplijenjeni u akciji (Foto: SIPA-e)



Privođenje uhapšenih u prostorije SIPA-e

dvije isporuke oružja i droge na putu ka Zagrebu.

Nezvanično saznajemo da su u akciji uhapšeni Safet Kolašinac i Muhamed Pirić. Kolašinac je i ranije privođen zbog preprodaje droge. Zaplijenjeno je deset kilograma vojnog TNT eksploziva te oko 120 kilograma žive u aluminijskim bocama, četiri automatske puške, tri pištolja, optički nišan za ručni bacač i trotilske metke. Oduzeti su i osam komada elektronskih detonatorskih kapišla, sporogoreći štapin i veća količina municije.

Pronađeno je i deset kilograma skanka, tri kilograma

spida, oko pola kilograma heroína te uzorci droge koja asociraju na kokain. Oduzeti su i vozilo te četiri mobilna telefona, više SIM kartica i značka Međunarodne policijske agencije-IPA.

Sedam lokacija

Dio oružja pronaden je u dva vozila koja su se kretala prema Hrvatskoj, dok je ostala količina zaplijenjena na sedam lokacija. Jedan od uhapšenih je državljanin Srbije i nije imao prijavljen boravak u BiH, dok se za dvije osobe, najvjerojatnije porijeklom iz Hrvatske, i dalje traga. **B.C.**